

黃梅縣志卷四

地理志

山川

大清會典載老寺山古角太白河繞湖環山重水複建置彈丸聚米可爲杭葦可渡蘊玉懷珠秀靈布濩卓立城闔豁然四顧舟車所達百里有奇延緣岡阜旁及瀦池鉅細畢載流覽無遺志山川

諸山

卓壁山縣東十五里

茅栗山縣東十五里

黃梅縣志

卷四

山川

一

古礫山縣東二十里山分上中下重岡複嶺與停前驛諸山相連絡

馬頭山縣東南三里山勢昂如馬首稍上曰熊家山稍北曰龍泉山曰踏石山石上有虎跡視之宛然

筆架山縣東南十里連起數峰參差如筆架其旁爲香爐山德章山舊有廣嚴二大師及清身道者真身在焉今無考馬鞍山縣東南十里相傳山頂有天窗洞其委通源湖見撫聞旁有蕭山地遠塵囂頗稱幽邃

獨山縣東南二十里旁有小木嶺大木嶺山

東觀山縣東南三十里聳立湖邊邑中諸水繞之以達於江

閔宮山 縣東北二里 一曰東嶽山

石門山 縣東北十里

多雲山 縣東北十五里 爲流支禪師道場 山頂常有雲氣 旱時土人候爲雨徵

烏牙山 縣東北二十里

東山 一曰馮茂山 縣東北二十五里 爲大滿禪師道場 山頂有白蓮峯洗手池 山腰有講經臺 鬪法洞 皆五祖遺蹟 有記

見藝文

龍坪山 縣東北五十里 深入爲唐家山 與蘄州接界

獅子山 縣東北五十里

黃梅縣志

卷四

山川

二

南山 縣東北六十里 爲圓證祖師道場 山半有千仞石壁 鑿金剛經一部於上 今爲苔封 不可識

北山 縣東北六十里 爲無迹祖師道場 與南山項背相依 晨鐘暮鼓 互爲嚮應 故有南山煮火北山煙之語

鼓角山 縣東北七十里 山勢迢遞 起伏無端 遙望修篁倚石 老榦卧雲 百丈飛泉 從山腰瀉入澗中 清流見底 寒光逼人 鼓一作古

天衢山 縣東北七十里 山徑敝仄 至頂平曠 如衢 傍有大坪 小坪 石壁嶙峋 高踞眾山之巔 延袤至迴旆嶺 則委蛇環抱 勢如展旗 過此爲宿松界 有記 見藝文

桐油山縣南三里

金牛山縣南八里附近者爲天馬山團山炊胚山龜山雙尖山鷄子山諸峯林立勢極縱橫

茅屏山縣南十里

上新山縣南二十里

下新山縣南二十里

蔡山縣南七十里相傳古大江經其下石崖纜迹猶存上有龍王廟峯頂寺今俱廢下有義門齊國夫人墓

赤土坡縣西三里

毛光山縣西七里稍前爲金鐘山

黃梅縣志

卷四

山川

三

瓦石山縣西十五里漢黥布所築東西二城在內

西山一曰破額山縣西三十里爲大醫禪師道場山形迴抱如螺絕頂雙峰屹立縹緲霄漢間前有瑤鳳山獅子山大葉山勢甚磅礴備極巖岫之奇他如受法洞卓錫泉洗筆池石魚磯古蹟甚多

黃梅山縣西四十里山多梅樹相傳邑之取名以此

路頭山縣西南十里稍右曰福盤山

掘茶山縣西南十五里

焦墩山縣西南二十里

舒城山縣西南三十里在太白湖中四面皆水明邑人黃景

恆胡君孚吳之棟等避兵於其上

遊螺墩縣西南三十里狀如覆金每於雨暗霧蒙時望之若浮於湖中上有邑贈君黃見溪墓

沙羅觜縣西南四十里

粉壁山縣西北十里山形壁立石色如粉又五里為安德山

考田山縣西北三十里自楊梅嶺入其西為大竹山小竹山

高山縣西北三十里為靜鑑祖師道場

石牌山縣西北三十五里深入為三十六水一水迴環三十

六度斜遶諸山而出其下為宋公飛仙臺內有黃齡洞即

宋公修煉處稍右曰中峰山

黃梅縣志

卷四

山川

四

北邙山縣北里許山頂平正如玉枕為縣治來脈其上為鳳

臺山相傳羅致福真人昇仙於此

明志云為縣龍腦氣不可輕有豎造厝葬山頂

及掘取赤土致傷來脈永宜禁止舊有昭王廟不置鐘聽圮不修及城內北門街正街穀廠凡縣龍過脈禁立廟宇

七嶺岡縣北七里分七支而行其上為菩提廣福山後為黎

曬山稍轉為穀觜山為台望山右曰汪山口曰卓壁嶺曰

佛坐嶺

豹兒山縣北二十里東抵赤塘統曰小溪山內有梅師嶺拳

石洞洞頗幽邃堪供遊賞

程晃嶺縣北二十五里

將軍山縣北三十里

上寺山縣北四十里

梅水山縣北五十里山分上中下層疊如波

紫雲山縣北七十里爲老祖道場羣峯壁立其巔寬平墾田數十畝中有出木池出米石前有噴雪巖迤西六七里有白雲洞火焰尖石壁嶙峋下臨絕澗

諸水

縣河發源於小溪山三丫嶺經多雲山下過陶家鋪河至沙河會諸水於鐵塘口合流今築鐵塘口獨小溪山一水從縣河出其東北一帶環城之水俱由東關蘆花橋與縣河合迴抱縣城斜轉向西曲折而下迅流奔注至黃連嘴入

黃梅縣志

卷四

山川

五

大港匯張家湖

按前明舊志縣河之水當縣衙儒學之前臨堂反跳與堪輿不協嘉靖間縣令梁廉買居民徐華等地開濬新河纏繞縣學二基與射壇水合循演武亭去後河道淤塞水從段家州南邊直出乾隆七年知縣邵豐鍬聚邑中紳士議上築鐵塘口俾外流不侵內河下築段家洲南邊河口諺云生起段家洲科甲滿街遊掘演武亭側古河繞縣衙儒學之右又建文昌閣於水口雖用形家言亦河流故道如此也

東河一發源於唐家山龍坪山麓下隆斗河經下橋河至兩河口合流一發源於古角山經停前驛河至兩河口泛

柘林鋪下鐵塘口 一發源於茅栗山下安亭港出悠悠河至龍泉山與大河口合三河共爲一河從鐵塘口北注縣河今築鐵塘口與縣河遂分自鐵塘口下復分爲二一爲殷家河謂之中河至卓岸與縣河合 一爲馬頭橋河謂之南河至黃連嘴之上與縣河合匯張家湖

〔西池〕發源於茅溝沖轉和尚橋塌經王家橋塌下西池塘穿射壇橋西流出卜家橋會縣大河

〔西河〕一發源於王正梁小沖轉余曇嶺下黃金塌至徐伯全河度下山橋更合上山橋水出郭塘橋入團魚汊匯張家湖 一發源於安德山經什村廟燕支坂楊水橋漆木港

入大河下濯港 一發源於青草太平六渡河經考田沖下大河鋪至白花坂分流爲二其西流者入長安湖其東流者下桂家賽入濯港 一發源於大葉山經雙城小河斜下龍頭山河至舒城山入太白湖

按邑中諸水西河或入太白湖由白湖渡出或由濯港出至黃連嘴俱與東河諸水會張家湖遶下新鎮過源湖口走東觀出急水溝入大江

安亭港縣東十五里

大港縣東二十里

古港縣東二十五里

黃花港縣東南二十里

濯港縣西南二十里

清油港縣西南三十五里

源湖縣東南三十里有前後二湖

感湖縣東南五十里

涉湖縣東南六十里

張家湖縣南二十里

長安湖縣西南三十里

太白湖縣西南四十里

七里湖稻場湖俱在大圩之內離城五十里

黃梅縣志

卷四

山川

七

楊林湖縣西三十里

陶水湖縣西南四十里

柴池湖縣西南九十里

白湖渡縣西南四十里

大江自廣濟龍坪下入黃梅界舊繞蔡山故蔡山有古江心寺後長鴻腦洲大江流經洲外蔡山之江漸淤後又長新洲而江遂三分至封郭洲復合爲一其勢皆由北而南歷清江楊穴江勢皆由西而東

邢家港在孔壠邑先有麻鐵魚線之累邢御史襄奏免業甲

遂輸此港以酬之名報德河

補載